



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՖԻՆԱՆՍՆԵՐԻ ՆԱԽԱՐԱՐ**

<< 02 >> *դեկտեմբերի* 2019թ.

N 658-Ն

Հ Ր Ա Մ Ա Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՖԻՆԱՆՍՆԵՐԻ ՆԱԽԱՐԱՐԻ 2019 ԹՎԱԿԱՆԻ
ՀՈՒՆԻՍԻ 11-Ի N 8-Լ ՀՐԱՄԱՆՈՒՄ ՓՈՓՈԽՈՒԹՅՈՒՆՆԵՐ
ԿԱՏԱՐԵԼՈՒ ՄԱՍԻՆ

Հիմք ընդունելով Հայաստանի Հանրապետության վարչապետի 2019 թվականի նոյեմբերի 19-ի <<Հայաստանի Հանրապետության վարչապետի 2018 թվականի հունիսի 11-ի N 743-Լ որոշման մեջ փոփոխություններ կատարելու մասին>> N 1722-Լ որոշումը և ղեկավարվելով <<Նորմատիվ իրավական ակտերի մասին>> օրենքի 33-րդ հոդվածով, Հայաստանի Հանրապետության վարչապետի 2018 թվականի հունիսի 11-ի N 743-Լ որոշմամբ հաստատված Հայաստանի Հանրապետության ֆինանսների նախարարության կանոնադրության 18-րդ կետի 7-րդ և 20-րդ ենթակետերով,

Հ Ր Ա Մ Ա Յ ՈՒ Մ Ե Մ '

1. Հայաստանի Հանրապետության ֆինանսների նախարարի 2019 թվականի հունվարի 11-ի <<Հայաստանի Հանրապետության ֆինանսների նախարարության լիցենզավորման, գործունեության ծանուցման և գնահատման գործակալության կանոնադրությունը հաստատելու մասին>> N 8-Լ հրամանում (այսուհետ՝ Հրաման) կատարել հետևյալ փոփոխությունները.

1) Հրամանի վերնագիրը շարադրել հետևյալ խմբագրությամբ.

<<Ֆինանսների նախարարության լիցենզավորման և գործունեության ծանուցման գործակալության կանոնադրությունը հաստատելու մասին>>,

2) Հրամանի 1-ին կետը շարադրել հետևյալ խմբագրությամբ.

<<Հաստատել ֆինանսների նախարարության լիցենզավորման և գործունեության ծանուցման գործակալության կանոնադրությունը՝ համաձայն հավելվածի>>,

3) Հրամանով հաստատված հավելվածը շարադրել նոր խմբագրությամբ՝ համաձայն հավելվածի:

2. Սույն հրամանն ուժի մեջ է մտնում հրապարակմանը հաջորդող օրվանից:



Ա. ԶԱՆԶՈՒՂԱԶՅԱՆ

Հավելված
« 02 » րոպեկետի 2019թ.
N 6.58 -Լ հրամանի

Հավելված
« 11 » հունվարի 2019թ.
N 8-Լ հրամանի

ԿԱՆՈՆԱԴՐՈՒԹՅՈՒՆ

ՖԻՆԱՆՍՆԵՐԻ ՆԱԽԱՐԱՐՈՒԹՅԱՆ ԼԻՑԵՆԶԱՎՈՐՄԱՆ ԵՎ ԳՈՐԾՈՒՆԵՈՒԹՅԱՆ ԾԱՆՈՒՑՄԱՆ ԳՈՐԾԱԿԱԼՈՒԹՅԱՆ

I. ԸՆԴՀԱՆՈՒՐ ԴՐՈՒՅԹՆԵՐ

1. Ֆինանսների նախարարության (այսուհետ՝ Նախարարություն) լիցենզավորման և գործունեության ծանուցման գործակալությունը (այսուհետ՝ Գործակալություն) Նախարարության հիմնական մասնագիտական կառուցվածքային ստորաբաժանում է, որը կազմավորվել է Հայաստանի Հանրապետության վարչապետի 2018 թվականի հունիսի 11-ի N 743-Լ որոշման համաձայն:

2. Գործակալությունն իր գործունեությունն իրականացնելիս ղեկավարվում է Հայաստանի Հանրապետության Սահմանադրությամբ, օրենքներով, այլ իրավական ակտերով և իր կանոնադրությամբ:

3. Հայաստանի Հանրապետության ֆինանսների նախարարը (այսուհետ՝ Նախարար) հաստատում է Գործակալության կանոնադրությունը, այդ թվում՝ կառուցվածքը, և կանոնադրության մեջ կատարում փոփոխություններ:

II. ԳՈՐԾԱԿԱԼՈՒԹՅԱՆ ՀԻՄՆԱԿԱՆ ԽՆԴԻՐՆԵՐԸ

4. Գործակալության հիմնական խնդիրն է Հայաստանի Հանրապետության օրենսդրությամբ նախարարությանը վերապահված լիազորությունների լիարժեք և արդյունավետ իրականացման ապահովումը՝ իր իրավասությունների շրջանակներում, մասնավորապես՝

1) խաղատների, շահումով խաղերի, ինտերնետ շահումով խաղերի և վիճակախաղերի կազմակերպման գործունեությունների լիցենզավորումը.

2) աուդիտորական գործունեության լիցենզավորումը.

3) ինկասացիոն ծառայությունների մատուցման լիցենզավորումը.

4) ծանուցման ենթակա գործունեություն իրականացնող անձանց հաշվառումը:

III. ԳՈՐԾԱԿԱԼՈՒԹՅԱՆ ԳՈՐԾԱՌՈՒՅԹՆԵՐԸ

5. Գործակալության գործառույթներն են՝

1) շահումով խաղերի, ինտերնետ շահումով խաղերի, խաղատների, վիճակախաղերի կազմակերպման գործունեությունների, աուդիտորական, ինկասացիոն ծառայությունների մատուցման լիցենզավորման գործընթացի կազմակերպումը, ինչպես նաև ծանուցման ենթակա գործունեություն իրականացնող անձանց հաշվառման գործընթացի կազմակերպումը.

2) սույն կետի 1-ին ենթակետում նշված գործունեությունների լիցենզավորման հայտերի և ծանուցումների ուսումնասիրությունն ու դրանց՝ Հայաստանի Հանրապետության իրավական ակտերի պահանջներին համապատասխանությունը պարզելը և դրանից բխող գործառույթների իրականացումը.

3) Նախարարությունում գործող՝ լիցենզավորող հանձնաժողովների նիստերի նախապատրաստումը, կազմակերպումը, դրանից բխող գործառույթների իրականացումը և լիցենզավորող հանձնաժողովների եզրակացություններից բխող գործառույթների իրականացումը.

4) սույն կետի 1-ին ենթակետում նշված լիցենզավորման գործունեությունների լիցենզիաների վերաձևակերպման հայտերի ուսումնասիրությունն ու դրանց՝ Հայաստանի Հանրապետության իրավական ակտերի պահանջներին համապատասխանությունը պարզելը և դրանից բխող գործառույթների իրականացումը.

5) սույն կետի 1-ին ենթակետում նշված լիցենզավորման գործունեությունների իրականացման վայրերի փոփոխման հայտերի ուսումնասիրությունն ու դրանց՝ Հայաստանի Հանրապետության իրավական ակտերի պահանջներին համապատասխանությունը պարզելը և դրանից բխող գործառույթների իրականացումը.

6) սույն կետի 1-ին ենթակետում նշված գործունեություններ իրականացնողների կողմից ներկայացված լիցենզավորմանը վերաբերվող փաստաթղթերի ուսումնասիրությունն ու դրանց՝ Հայաստանի Հանրապետության իրավական ակտերի պահանջներին համապատասխանությունը պարզելը և դրանից բխող գործառույթների իրականացումը.

7) սույն կետի 1-ին ենթակետում նշված գործունեությունների իրականացման լիցենզիաների և ծանուցման ենթակա գործունեություն իրականացնող անձանց հաշվառման միասնական էլեկտրոնային գրանցամատյանների վարումը.

8) սույն կետի 1-ին ենթակետում նշված գործունեությունների իրականացման լիցենզիաների և ծանուցման ենթակա գործունեություն իրականացնող անձանց հաշվառման միասնական էլեկտրոնային գրանցամատյաններում տեղ գտած փոփոխությունները՝ համաձայն Հայաստանի Հանրապետության իրավական ակտերի և դրանք այլ պետական մարմիններին տրամադրումը.

9) սույն կետի 1-ին ենթակետում նշված լիցենզավորման և ծանուցման ենթակա գործունեություն իրականացնողներին վերաբերվող լիցենզավորման և ծանուցման պարտադիր պահանջներ կամ պայմաններ սահմանող իրավական ակտերում տեղ գտած փոփոխությունները՝ համաձայն Հայաստանի Հանրապետության իրավական ակտերի և դրանք համապատասխան գործունեություն իրականացնողներին հայտնելը.

10) սույն կետի 1-ին ենթակետում նշված գործունեությունների լիցենզիաներ տրամադրելու և ծանուցման ենթակա գործունեությունների իրականացման հաշվառման համար Հայաստանի Հանրապետության իրավական ակտերով սահմանված կարգով ու չափով պետական տուրքի գանձումը.

11) Նախարարության համապատասխան բնագավառների քաղաքականություն մշակող ստորաբաժանումներին, ըստ անհրաժեշտության, Գործակալությունում առկա տեղեկատվության տրամադրումը.

12) Նախարարությանն ուղղված՝ սույն կետի 1-ին ենթակետում նշված գործունեություններ իրականացնողների լիցենզավորմանը վերաբերվող դիմումների ուսումնասիրությունը և դրանց համապատասխան ընթացք տալը.

13) Գործակալության գործառույթներից և խնդիրներից բխող իրավական ակտերի նախագծերի, առաջարկությունների, եզրակացությունների, ինչպես նաև դրանց վերաբերյալ մեթոդական պարզաբանումների և ուղեցույցերի մշակման գործընթացին մասնակցությունը.

14) քաղաքացիներից, կազմակերպություններից, պետական կառավարման համակարգի մարմիններից, պետական և ոչ պետական այլ մարմիններից ստացվող՝ Գործակալության գործառույթներին վերաբերող դիմումների ուսումնասիրությունը և դրանց համապատասխան ընթացք տալը.

15) վիճակախաղերի կազմակերպիչների կողմից ներկայացված գովազդի բովանդակությանը համաձայնություն տալու վերաբերյալ դիրքորոշում ներկայացնելը.

16) շահումով խաղերի, ինտերնետ շահումով խաղերի և խաղատան կազմակերպիչների կողմից հաստատված՝ շահումով խաղերի, ինտերնետ շահումով խաղերի կազմակերպման և անցկացման, ինչպես նաև վիճակախաղերի կազմակերպիչների կողմից վիճակախաղերի կազմակերպման և անցկացման կանոնակարգերին համաձայնություն տալու վերաբերյալ դիրքորոշում ներկայացնելը.

17) շահումով խաղերի, ինտերնետ շահումով խաղերի, խաղատների, վիճակախաղերի կազմակերպման, աուդիտորական ծառայությունների իրականացման, ինկասացիոն ծառայությունների մատուցման գործունեություններ իրականացնող լիցենզավորված անձանց, ինչպես նաև ծանուցման ենթակա գործունեություն իրականացնող անձանց կողմից հերթական տարեկան պետական տուրքերի վճարման ժամկետների վերաբերյալ տեղեկատվության տրամադրումը.

18) սույն կետի 1-ին ենթակետում նշված գործունեությունների իրականացման ապահովման համար, լիցենզավորված և հաշվառված անձանց նկատմամբ Հայաստանի Հանրապետության օրենսդրությամբ Նախարարությանը վերապահված լիազորությունների իրականացումը՝ դրանց արդյունքներով պայմանավորված գործառույթների իրականացումը.

19) սույն կետի 1-ին ենթակետում նշված անձանց կողմից թույլ տրված կասեցման և դադարեցման համար հիմք հանդիսացած խախտումների հաշվառումը.

20) Նախարարի և Նախարարության գլխավոր քարտուղարի (այսուհետ՝ Գլխավոր քարտուղար) այլ հանձնարարականների կատարումը:

6. Գործակալությունը ղեկավարում է Գործակալության պետը: Գործակալության պետի բացակայության դեպքում նրան փոխարինում է բաժինների պետերից մեկը՝ Գործակալության պետի հանձնարարությամբ:

7. Գործակալության պետը անմիջական հաշվետու է Նախարարին:

8. Գործակալության գործունեության համակարգումը Նախարարի հրամանով կարող է վերապահվել Նախարարի տեղակալներից մեկին:

9. Գործակալության պետին հանձնարարականներ և ցուցումներ տալիս է Նախարարը: Նախարարի հանձնարարությամբ հանձնարարականները կարող են փոխանցել իրենց համակարգման լիազորությունների շրջանակներում Նախարարի տեղակալը, Գլխավոր քարտուղարը:

10. Գործակալության գործառույթների իրականացմամբ ստեղծված փաստաթղթերն ստորագրում է Գործակալության պետը:

11. Գործակալության բաժինների աշխատանքը ղեկավարում և կազմակերպում են բաժինների պետերը:

V. ԳՈՐԾԱԿԱԼՈՒԹՅԱՆ ԿԱՌՈՒՑՎԱԾՔԸ

12. Գործակալության կառուցվածքում ընդգրկվում են հետևյալ բաժինները՝
Խաղային գործի լիցենզավորման բաժին:

Լիցենզավորման և ծանուցումների հաշվառման բաժին:

13. Գործակալության յուրաքանչյուր քաղաքացիական ծառայողի գործառույթները, իրավունքներն ու պարտականությունները, շփումներն ու հաշվետվողականությունը նկարագրվում և այդ գործառույթները արդյունավետ իրականացնելու համար անհրաժեշտ մասնագիտական գիտելիքները ու կոմպետենցիաները և կառավարման համակարգում տեղակայվածությունը սահմանվում է Հայաստանի Հանրապետության օրենսդրությամբ սահմանված կարգով հաստատված քաղաքացիական ծառայության պաշտոնի անձնագրով (աշխատատեղի նկարագրով):